

إجت الساعا يا بئبي (١٩٩٦)

آخر عشرين ساعا

يسوع تلاقا بامو

XXIV

تأمل

Orante, offrante, offerte

هادا القداس بلش. يسوع طالع ع المدبح وامو طالعا معو. مريم أخذت دورا المريمي بالزبيحا الإهبي. متل ما رح تعمل الكنيسي كل يوم، الكنيسي العم تصلي وتقدم، وتقدم.

العم تصلي

ع طريق الجلجلي، مريم صارت تصلي وتطلع بابنا تطليعا فيا حب، بقدر ما فيا شفقا. وتنوجع، إذا مش عنو، معو.

صلت لبيو... للروح القدس... صلت كرمالا، كرمال ابنا.

إرادة يسوع البشري ما كانت زادت قدرا، لأن حصتو بالحياة اللي نعطلو بهالجسم، أقل من إنا تتحمل كل هالعزاب. كان لا بد من إنو يصرخ لبيو يساعدو.

العم تقدّم

هادا جبل الجلجلي

وهادا يسوع نايم ع الصليب. متل ما رح يصير ع المدبح كل يوم وبكلّ قدّاس. ومتل ما هوّي قال

Ecce venio, Je viens, me voici

هادا أنا جيت.

مريم عم تقدّم يسوع لبيو. عم تقدّموا لأنّاهي الوسيطا... لأنّاهي العم تساعدو. هالجسم العم يتقدّم شغلا هيّي. وهيّي العطتو ياه، لمنّ قالت للملاك: **Fiat...** "يكنلي متل ما قلت".

بقدملك هالقربان النقي، المقدّس، بعثلو من عند تطليعة الرضا، متل ما قبلت من زمان قربان هاييل.

العم تتقدّم

مريم قبال إبنها العم يجرّ حالو ع الموت. تراجع بقلبا هاك الإي القالتا بالناصر، "الهادا أنا، القالتا للملاك".

هادا أنا جيت ت كون الوسيطا بين الله والبشر.

هادا أنا جيت ت عبّي هالفراغ، وما يكون آلامك يا إبنّي ناقص.

يلا يا نفسي:

كوني العم تصلي،

العم تقدّم،

العم تتقدّم.